

原槧本

竹嘯軒詩鈔卷之五

稱詩於近代言人々殊尚規格者祖構雷同主靈
異者鑿空無朕二者交譏大約取其辭不惟其情
攷諸聲不衷諸道古人所謂言志永言之義闕焉
無聞辟玉卮無當雖美何觀矣吳門沈子鴈士物
疎道親獨工綴述其於詩也若車然扶輪而遠也
若川然印浦而大也然猶悔其少作弓帙所存率
皆立年以後或正辭諷諭或主文譎諫比興則虬
龍雲霓之意也物色則秋蘭紫莖之遺也追述在
昔宗經正緯雕玉以作噐也羌無故實非傷詩史
匠心以運斤也雖準之前古不無離合然窮其吐

納會其委源敦厚統夫關鍵辭華管夫樞機意窺
象先韵深文外六彬々尔雅者已顧予注來吳中
吳人稱騶士詩者未既其寔甚或絃絕調高受嗤
拙目猶見橐駝言馬腫背山中人不信魚大如木
海土人不信木大如魚從古然也且夫左思三都
價增士安劉勰雕龍聲騰家令求之今日罕遇其
人西施雖美能見重於鬻薪之曰哉雖然良玉之
貴誼由荊廷良驥之貴誼由千金非必國門為傳
而名山為湮也悠悠無窮有知子雲者寧都魏世
倣序

竹嘯軒詩鈔目錄

卷一

古今體詩四十四首

卷二

古今體詩四十六首

卷三

古今體詩四十四首

卷四

古今體詩三十三首

卷五



古今體詩三十六首

卷六

古今體詩五十四首

卷七

古今體詩四十一首

卷八

古今體詩四十三首

卷九

古今體詩三十一首

卷十

古今體詩三十六首

卷十一

古今體詩三十三首

卷十二

古今體詩四十九首

卷十三

古今體詩七十二首

卷十四

古今體詩四十五首

卷十五

古今體詩五十一首

卷十六

古今體詩四十一首

卷十七

古今體詩三十八首

卷十八

古今體詩四十五首

竹嘯軒詩鈔卷一

長洲沈德潛碣士

遠遊篇

庚辰

遠遊遍四海曠焉思帝鄉身騎白玉龍雲端駭超
驤乘風遊絳闕弭節叩天閭羽旄紛紜至玉女歡
相迎摳衣朝法陞矯首瞻雲房雙闕秩方位太微
表中央白榆夾道生紫鳳聲嬌儚仙人共遊戲齊
吹紫鸞笙瓊瑤爲環珮素霓爲衣裳授我保真訣
傳我延年方奇文奧難讀長跪求其詳靈芝粲五
色服食生霞光凝神遊邃始年命永無疆

塘上行

四解

蒲生水中央託根難久長君情如膠漆中路遽參
商自怨蛾眉長不怨衆女妒行止由他人棄置那
復顧故交雖難忘不如新相知敝屣雖難棄不如
新履綦霾曠有時散陽光有時臨願得陽光臨照
見葵藿心

隴頭流水

三解

辭家赴隴頭隴水東西逝流作嗚咽聲中有征人
淚隴水鳴濺濺隴阪高入天驅馬登隴阪不敢望
秦川朝過飲馬窟夜經古戰場天寒枕刀臥驚魂

不還鄉

久別離

春光昨夜至楊柳齊青青
青青弄影空閨裏蕩子
之婦難爲情憶昔君別時
春風江上生手折堤畔
柳送君此遠征何爲十年
無尺素望君迢迢有如
隔蓬瀛不能身爲楊柳花
隨風東西南北同君行
妾心如磐石君身豈浮萍
東風兮東風爲我吹君
返行旌

孟門行

素絲成羅襦溫潤稱玉體
一朝愛新製棄捐箚篋

裏君家玉堂在孟門蘭橈桂棟高清旻豪華少年
滿堂坐主人何心憐故人美酒酌以金叵羅奉君
歡晏爲君歌主人飲此壽無算年年歲歲樂如何
雲際飛來雙白鵠無端彈射遭君逐梁燕難忘舊
日恩籥口還思補君屋

塞下曲

鴛鴦聲急半空哀風旋龍沙欲起堆飲罷酪漿天
色暮月明獨上李陵臺

敕勒川頭練甲兵黃羊谷口豎干旌雲昏萬馬難
分色雪急三軍不辨營

悲歌

莫以瑚璉器持問田家叟
莫以宮中妝誇示下里
婦瑟不如竽抱此焉徂
仰天而歌其聲烏烏歌聲
烏烏何太悲烈士壯年日就衰

慈烏歎

慈烏復慈烏慈烏撫雛聲
嗚嗚朝爲雛呼暮爲雛
呼一巢育三雛慈烏棄雛
先自殂一雛雖長惇然
孤未能返哺聲淚枯

擬逸民詩

香餌雖美蛟龍深藏爵羅雖巧鸞鳳高翔爵祿雖

貴巢許徜徉修身潔行千載垂光

種菜

小園纔一畝更與鄰共之無心蒔花藥種菜分所
宜始覺荷鋤倦既久亦忘疲編籬限雞犬壅土發
華滋勿憂愆雨澤灌溉有清池旬日青覆土發生
亦不遲貧家寡所欲對此色自怡可代飯之半禦
冬良在茲勞力不我負此計未全非

過白石翁隱居處

長湖浩煙波遙邨隱雲樹扁舟獨溯洄繫纜清溪
渡荒岡旣盤紆畝丘亦回互緬懷古逸民言尋棲

隱處子孫秉先訓。累葉事農務。遺安人所難。世遠見貞素。松楸鬱茫茫。清風來古墓。

擬古四首

辛巳

王右丞維

飯僧

晚歲思繕性。方外亦吾徒。深山有高僧。心清與道俱。昨日訂晨齋。今蚤過吾廬。便設脫粟飯。兼摘園中蔬。既飽念衆生。糧粒不願餘。散之飼鳥雀。亦復施遊魚。感此惻隱性。自顧愛物疎。日晚送君還。悵望雲山居。

悠然不盡

孟山人浩然

待友

靄靄山景名。歸鳥栖林藪。萬籟正寂然。月吐斷崖口。置酒攜古琴。待我山中友。夜琴亦已終。華月升高柳之子。不我過。獨酌盈尊酒。

韋左司應物

寄舊

郡齋苦天寒。密雪灑深竹。念茲山居友。抱獨臥空谷。杖策擬過從。草堂夜同宿。積雪山路平。川原斷樵牧。

柳員外宗元

溪上

清谿雨後佳。坐此溪邊石。風和野花開。池靜啼禽寂。觀妙愛澄境。栖閒絕塵役。意適獨歸來。楚天淡。

將夕。

樵

趨捷類猿公峭壁斫枯樹黃葉身上秋白雲山下路

贈山中叟

山牀壓清酒滴作礪泉聲日夕無妨飲松風爲解醒

宿張氏草堂

醉向空堂臥三更夢始回江聲并急雨同到枕邊來

訪如來菴

寒雲護山頂。隱見最高峰。遂造林中寺。纔聞午後鐘。
牕明半嶺雪。門掩斷崖松。分院平生願。從誰話箭鋒。

春日邨行

果腹竟何事。蕭然曳履行。閒共白雲往。步尋流水聲。
墟煙凝雨重。耕犢負犁輕。獨立板橋望。春山面面橫。

琵琶引贈仇青蒼

壬午

古來琵琶妙手誰第一。段師壓伏康崑崙。杜彬皮